



## Վահան Տերյան

### Դու խոսում ես, քայց կարծես

Դու խոսում ես, քայց կարծես,  
Դու չես, գիշերն է երգում.  
Այնպես նուրբ ես և այնպես  
Մեղմ ես, մեղմ ես ինձ գրկում...

Լուսեղեն է խոսքերիդ  
Իմաստը պարզ ու խորունկ,  
Որպես մեղմ ու անառիթ  
Գարնան անուշ մտորմունք...

Եվ անդորր է ձայնը քո,  
Հաշտ է թախծոտ իր շեշտով,  
Որպես անուշ երեկո՝  
Լիքը սիրով ու վշտով:

Դու չե՛ս, դու չե՛ս, հեռավոր  
Վարդենիներն են շրշում,  
Ծովն է երգում լայն ու խոր  
Ոսկեպայծառ մշուշում...

Իմաստուն է և արդար  
Օրերի երգն անընդհատ,  
Դառը տանջանք ու դադար,

Եվ սե՛ր, և վի՛շտ, և հեքիա՛թ...

Գիշե՛ր, գիշե՛ր, լռությո՛ւն,

Անուշ թախժի լուսե երգ.

Փռվի՛ր, փռվի՛ր լուսե երգ.

Խաղաղությո՛ւն անեզերք...